

সেলিব্রিটিদের দ্বীনে ফেরা

Asif Adnan

July 1, 2019

কারো ইসলাম গ্রহণ বা ইসলামে ফিরে আসার খবর নিসন্দেহে আনন্দের। তবে এধরণের বিষয়গুলোর ব্যাপকভাবে দাওয়াহর কাজে ব্যবহার ঝুঁকিপূর্ণ। সালাফ আস-সালেহিন বলতেন, অনুসরণ করতে হলে মৃত ব্যক্তির অনুসরণ করো। কারণ তুমি জান সে কোন অবস্থায় মারা গেছে। ইসলামে ক্ষনিকের উচ্ছাসের চাইতে দ্বীনের ওপর দৃঢ়তা ও অবিচলতা অনেক বেশি গুরুত্বপূর্ণ।

একইসাথে দুর্ভাগ্যজনক সত্য হল পুরো পৃথিবীর মতো উম্মাহর মাঝেও সেলিব্রিটি কালচারের প্রভাব ভয়াবহ। সেলিব্রিটিদের ভুলগুলো অনুসরণীয় তো হয়ই, অনেক সময় দলীলও হয়ে যায়। আর একবার এসব ভুল প্রচলিত হয়ে গেলে সেগুলোর সংশোধন করতে হয় কাঠখড় পুড়িয়ে।

বাস্তবতা হল এই যে উম্মাহর বড় একটা অংশ এ বিষয়গুলো সঠিকভাবে হয়তো বোঝেন না। যে কারণে এধরনের ঘটনাগুলো যতো সহজে মানুষকে আবেগাপ্লুত করে, ততোটাই


সহজে এধরণের ব্যক্তিদের কারো কারো পদস্থলন কিংবা দ্বীন থেকে ফিরে যাওয়া মানুষের ঈমানের ওপর নেতিবাচক প্রভাব ফেলে। তাই দা'ঈদের উচিত এধরণের বিষয়গুলোর ক্ষেত্রে সতর্কহওয়া।

মূলপাতা

সেলিব্রিটিদের দ্বীনে ফেরা

 BY

Asif Adnan

 July 1, 2019

chintaporadh.com/id/8239